

Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

36. Vrbanus II. Papa Atrebatensem Episcopatum à Cameracensi, cum quo hactenus fuerat vnitus, separat, & ea de re ad Clerum Atrebatensem scribit, an. 1093.

urn:nbn:de:hbz:466:1-10903

CAPVT XXXVI.

Urbanus II. Papa, Atrebatensem Episcopatum à Cameracensi, cum quo hactenus fuerat unitus, separat, & ea de re ad Clerum Atrebatensem scribit, an. 1093.

VRbanus II. seruus seruorum Dei dilectis filijs ALARDO Atrebatensi, & BERNARDO Ostreuannensi, Archidiaconis, ac omnibus Præpositis & Decanis, cum omnibus clericis, qui in prædictis Archidiaconis sunt, salutem & Apostolicam benedictionem.

Apostolicæ nos sedis compellit auctoritas, vniuersis per orbem terrarum Ecclesijs prouidere, & sua iura poscentibus paterna compassione succurrere. Quia igitur Atrebatensis ecclesia, multis iam temporibus propria carens dignitate, Cameracensis ecclesiæ iugum pertulit, dignum profecto duximus, vt propitiante Domino amissa ei dignitas, ex Apostolicæ sedis benignitate, restitueretur. Neque enim subiectionem Atrebatensis ecclesiæ aliquod Romanæ auctoritatis chyrographum Cameracensibus vendicat, & Atrebatensis vrbis populositas longè illam, cui hactenus subdita fuerat, antecedit.

Et Canonum itaque decretis, & prædecessorum nostrorum exemplis freti, nunc tandem, annuente Domino, Atrebatium iustis votis & petitionibus importunis effectum dedimus, & venerabilem virum LAMBERTVM, quem communi assensu electum ad nos, cum communi decreto, adduxerant, in Episcopum consecravimus, quæque ad Atrebatensem parochiam antiquius pertinuisse noscuntur, ipsi & ipsius successoribus perpetuo regenda & Episcopali iure possidenda priuilegijs auctoritate confirmauimus; nominam Archidiaconias duas, quarum una *Atrebatensis*, altera dicitur *Ostreuannensis*.

Vestrarum ergo dilectionem litteris præsentibus admonemus atque præcipimus, vt ei deinceps tamquam Cardinali Episcopo, & tamquam B. Petri manibus consecrato, subesse & obedire iuretis. Vnde & vos & clericos vniuersos, qui in prædictis Archidiaconis sunt, à professione Cameracensis ecclesiæ absoluimus.

Si qui verò inter vos huius nostræ constitutionis tenore perspe-

cto,

&c. prædicto confratri nostro Atrebatensi Episcopo obedire contemperint, quamcumque in eos sententiam ipse Episcopali moderatione dictauerit, auctoritatis nostræ pondere firma permaneat.

Data Romæ VIII. Kalendas Aprilis.

N O T A T I O .

O S T R E V A N N E N S I S .) Sunt hodieque duo Archidiaconi in diœcesi Atrebatensi, videlicet Atrebatensis, & Ostrevannensis seu Oitrobantensis.

C A P V T X X X V I I .

Robertus cognomento Hierosolymitanus, Flandriae Comes, Roberti Frisi filius, in Terra sancta militans, facto voto, Abbatiam S. Andreae, Benedictinorum, prope Brugas, institui per uxorem suam Clementiam iubet: Baldrico Tornacensi ac Nouiomensi Episcopo approbante an. 1105.

IN nomine Patris & Filij & Spiritus sancti. Ego BALDRICVS,
Dei gratia, Tornacensium atque Nouiomensium Episcopus, omnibus hic & ubique fidelibus in æternum gaudere cum gaudentibus.

Nulli pñne fidelium in vniuerso orbe terrarum constat esse incognitum, ROBERTVM iuniorem Flandrensum Marchionem, in Ierosolymitano exercitu, præ ceteris omnibus ducem & signiferum Christianorum exstitisse, & ad laudem & gloriam nominis Christi contra paganos fideliter & viriliter dimicasse.

Hic cum per varia bellorum pericula Antiochiam peruenisset, & inibi vnà cum ceteris Christi fidelibus, ab innumerabili superuerterium paganorum multitudine obsecus funsset, duxi spiritus inflammatus igne, & B. Andreæ Apostoli succensus amore (per ipsum enim visitauit, vt aiunt, & liberavit eos Dominus) vexit illic in quodam monasterio, prope Brugis sito, in honore eiusdem Apostoli consecrato, in ipsius veneratione monachos se institutum.

Q q 2

Cognito